

Түркістан облысы денсаулық сақтау басқармасының «Ақ-бұлақ облыстық балалар оналту орталығы» шаруашылық жүргізу құқығындағы мемлекеттік коммуналдық кәсіпорны қызметінің сыбайлас жемқорлық тәуекелдеріне жүргізілген ішкі талдау жұмыстары нәтижесінде қалыптастырылған анықтама жобасына жария талқылау ХАТТАМАСЫ

Қараағашты ауылы

20.06.2024 жыл

Төрайымдық етуші Түркістан облысы денсаулық сақтау басқармасының «Ақ-бұлақ облыстық балалар оналту орталығы» шаруашылық жүргізу құқығындағы мемлекеттік коммуналдық кәсіпорнының бөлім меңгерушісі Б.Ж.Камытбекова
Хатшылықта: А.С.Сугралиева
Қатысқандар: Кәсіпорынның бөлім меңгерушілері, әкімшілік қызметкерлері

Күн тәртібінде:

1. Кәсіпорын қызметінің сыбайлас жемқорлық тәуекелдеріне жүргізілген ішкі талдау жұмыстары нәтижесінде қалыптастырылған анықтама жобасын талқылау;

Төрайымдық етуші бөлім меңгерушісі Б.Ж.Камытбекова 2024 жылғы 17 мамыр - 28 маусым аралығына жоспарланған Қазақстан Республикасының «Сыбайлас жемқорлыққа қарсы іс-қимыл туралы» 2015 жылғы 18 қарашадағы № 410-У Заңының 8-бабы 5-тармағына және «Сыбайлас жемқорлық тәуекелдеріне ішкі талдау жүргізудің үлгілік қағидаларын бекіту туралы» Қазақстан Республикасының сыбайлас жемқорлыққа қарсы іс-қимыл агенттігі (Сыбайлас жемқорлыққа қарсы қызмет) төрағасының 2023 жылғы 16 ақпандағы №21 бұйрығын орындау мақсатында кәсіпорынның 2024 жылғы 02 мамыр №30 н/к бұйрығымен құрылған топпен сыбайлас жемқорлық тәуекелінің туындауына жол беретін себептер мен жағдайларға ішкі талдау жұмыстары жүргізілгенін айтты.

Нәтижесінде кәсіпорынның персоналды басқару қызметінде жұмыс тобымен сыбайлас жемқорлық тәуекелдері анықталды. Анықталған сыбайлас жемқорлық тәуекелдері бойынша баяндамашы комплаенс қызметіне жауапты маман А.С.Сугралиева сөз сөйледі.

Баяндамашы кәсіпорынның персоналды басқару қызметіне қатысты ішкі талдау жүргізу барысында жұмысшы топпен бір қатар кемшіліктерінің анықталғанын айтты:

Атап айтқанда:

1. Кәсіпорынға жұмысқа қабылдау жөніндегі кейбір бұйрықтарында негіздеме ретінде іріктеу және жұмысқа қабылдау процестерінде жұмысқа қабылдау комиссиясының шешімі мен Мансап орталықтарының жұмысқа орналасу жолдамасы негіздемеге алынбаған. Қазақстан Республикасының Еңбек кодексінің 21 баб. 2 тармағының 2 тармақшасына сәйкес Қазақстан Республикасының заңдарында белгіленген жағдайларды қоспағанда, жұмыскер мен жұмыс берушінің арасында еңбек қатынастары тиісті лауазымға орналасуға арналған конкурс бойынша сайланады, яғни жұмысқа қабылдау комиссиясының шешімі бұйрықта негіздеме ретінде көрсетілуі қажет;

2. Кәсіпорында шығарылған бұйрық, хаттама, анықтама, акт, хат рәсімдеулері Қазақстан Республикасы Үкіметінің «Мемлекеттік және мемлекеттік емес ұйымдарда құжаттама жасау, құжаттаманы басқару және электрондық құжат айналымы жүйелерін пайдалану қағидаларын бекіту» туралы 2023 жылғы 25 тамыздағы №236 бұйрығының талаптары сақталынуына назар аударылып, мемлекеттік ұйымдардың Қазақстан Республикасының Мемлекеттік Елтаңбасы бейнеленген құжатының қағаздағы бланкілері есепке алынуға тиіс, ол үшін құжат бланкісінің әрбір данасының оң жақ төменгі бұрышына типографиялық тәсілмен немесе нумератормен оның нөмірі, қажет болған кезде сериясы қойылады. Кәсіпорынмен шығарылатын бұйрықтар өкімдік құжат болып саналатындықтан, бланкілер арнайы полиграфия құралдарының көмегімен баспаханалық тәсілмен дайындалу қажет және қатаң түрде есебі жүргізілуі қажет. Жұмыскер мен жұмыс берушінің арасында еңбек қатынастарының басталуы да, аяқталуы да бұйрықпен бекітіледі, яғни кәсіпорындағы жұмыскерлердің нақты санын айқындайтын акт болып табылғандықтан, қатаң түрде есебі жүргізілуі қажет. Бұл сыбайлас жемқорлық тәуекелін тудырады.

3. Ішкі талдау жұмыстарын жүргізу барысында мүдделер қақтығысы фактілері бойынша кәсіпорында тегі бірдей бірнеше қызметкерлердің жұмыс атқаратындықтары анықталды.

Төрағалық етуші сөз кезегін алып, күн тәртібіндегі талқыланған мәселе өзекті екендігін айтып, қатаң бақылауға алу қажеттілігін тапсырды. Заңнама талаптарын сақтауды қатаң ескертті. Кәсіпорын қызметінің сыбайлас жемқорлық тәуекелдеріне жүргізілген ішкі талдау жұмыстары нәтижесінде қалыптастырылған анықтама жобасына талқылау жүргізу жиналысы **ШЕШІМ ЕТТІ:**

1. Сыбайлас жемқорлық тәуекелдеріне ішкі талдау қорытындысы бойынша анықталған кемшіліктерді жою мақсатында жұмыстар жасалсын.

Төрайым:

Хатшы:



Б.Ж.Камытбекова

А.С.Сугралиева